



UNIVERSITÄTS-
BIBLIOTHEK
PADERBORN

Venatio Sacra. Sive Puer Amissus

Cabilliau, Baudouin

Lovany, 1642

Elegia Octava.

[urn:nbn:de:hbz:466:1-70011](#)

ELEGIA OCTAVA.

1. Agar sibi mortem imprecatur.
2. Docet ne pecudes quidem si viderint, sustinere posse filij mortem.
3. Detestatur suum in Abrahe domum aduentum.
4. Agaris dolor externus.

VOX AGARIS.

VT quid adhuc lentæ duco tot sæcula mortis, t
 Nec lachesis vitæ fila caduca secat?
 Hauriat ô auido refuge telluris hiatu!
 Vel caput hoc atro mergat arena solo!
 Sirius, aut rapido sol decoquat igne medullas!
 Diripiaturque vno dente Leæna latus!
 In caput inuisum cœlestes imprecor igneis,
 Imprecor & dirum mors fera quidquid haber.
 Ah! ah! seminecis spectem morientia Gnati
 Lumina funesi à uube perennè premi?
 Si qua bidens propiore legit fors gramina prato,
 Quæque rumer pleno feta capella sinu;
 Viderit ah! puer macies ut torrida malas
 Exedat, & sicco quæ sedet ore fames;
 Crede mihi, nullum tanget pecus obuia gramen;
 Ægra siti & fontis respuit omnis aquas.
 Ut quid adhuc igitur tu Tityre, siue Menalca
 Dux agis huc pastum quo vocat herba, gregem?
 Sol alijs redear, lucis qui gaudia spectent.
 Alba dies Gnato noꝝ venit atra meo.
 Sensus ut omnis hebet, fractusque ut languet ocellus,
 Lingua simul tristi glutine vincita stupet.
 Extremusque breuem retractat anhelitus auram
 Pallidulis labijs, languiduloque sinu.

Oeggi

O ego ne Pharios liquissem cœca penates,
 Exsul, inops Arabo nunc ut in orbe cadam !
 Cur tetigi Syrium, mihi dura pericula, limen,
 Et coniux Syrio limine læta steti ?
 Non iam doris egens fugerem sine coninge coniux,
 Nec fuga par gnati matris imago foret :
 Inque feram raperem mecum mea viscera mortem.
 Gaudia cur peperi, si peperisse dolor ?
 Illa ego præclaro nurus ante superba marito,
 Nunc humili iaceam nomen inane solo ?
 Sed quid adhuc breve mortis iter moror? eia supremū
 Tolle metum, quid mors tot paris usque metus ?
 Dulcis mors fuerit (superes modò Gnate parenti.)
 scilicet in Gnato tota superstes ero.
 Haec tenus infelix desertis mater arenis,
 Quam procul ab Gnato, tam propè visa mori.
 Dixerat, & durâ dumis subsedit in umbrâ.
 Quæ dumis facies, cordis & illa sui est.
 Asper enim densis ut dumis inhorruit hamis :
 Sic sibi stant duris obsita corda nialis.
 Caligant oculi funestum mortis in omen,
 Queis sua lux Gnatus flebilis umbra perit.
 Et nunc ille iacer, collapsaque lumina cælo
 Attollit moriens, heu pia mater ubi es ?
 Mater ubi es ? tuus en, languenti lumine querit
 Te tuus Ismaël : nec pia mater ades.
 Et tamen immemoremque sui, immitemque parentem,
 Ut potis est, rauco murmure sæpe vocat.
 Te sibi poscit opem mater, solatia tanto
 Ardori, letho frigida lingua rogat.
 Est aliquid suprema loqui, carosque videre,
 Et deploratum non sine teste mori.
 Quod si forte prius mutarit morte dolores;
 Materna claudes lumina fracta manu.

ELEGIA